

田
間
詩
集

田間詩集卷第十七

客隱集 辛亥

江上漫興

近岸峰將出，遙雲一半遮。
沿郊誇麥秀，展袖避楊花。
漁長魚立凝，風燕子斜經。
旬愁對雨空，喜見春華。

京口

東風狂霰夜，乍息曉帆開。
艤急爭幫過，江平剪渡來。
罟罟連阻灘，落早潮回前路。
千檣阻客心，空自催。

過蘇州口號

夫頭快子快，爭先早見姑。
蘇塔影懸夜半，幫閑催棹發。

天明婦起換郎眠。軍妻船截平江闊。估客帆偷小港穿。
急雨好風停不得。閭門回首隔昏煙。

嘉禾曹秋岳齋中話舊

屢有過從約高談。此夜深言于知己盡事託故人尋已
信。蒐求切寧存忌諱。心當時曾載筆久向井中沉。
泯滅前朝事。何由遍網羅。追隨予亦暫聞見。顧偏多失
實。應難辨成書許。更過自慚無述作。或可訂消謬。

重過南園感舊

名園零落委荒坡。三十年來客恨多。已分舊遊惟有夢。
却更新主許重過。頃與其門開別徑迷行跡。樓鎖虛窗

蔣氏

憶嘯歌回首昔時凋喪盡情根不死奈予何

花欄石磴已全非滿地蓬蒿一徑微小院庭心常晒藥
虛廊石角尚鈎衣王孫早見騎鯨去逋客爭憐化鶴歸
偷得餘生羸底事羸將衰淚向人揮

亂餘興廢豈堪嗟人事爭更況物華檻外藤纏留死樹
池邊蔬圃替時花舊繞池種花今皆菜畦矣画橋址在思攜手綺閣
窗明舊住家予令室遷蓋居於此今日短垣分內外相看咫尺是

天涯

一雨全傾薜荔牆人家分住讀書堂祇尋蔣詡新聞徑
莫覓陳登舊臥牀病裏爭長搖彩筆樽前限韻睹紅粧

同時三子行吟地

併鑑爲三

石上溪邊總斷腸

家爾斐谿默卽事

園林三十載頭白客重來徑已隨山改門仍向水開衣
冠留古意丘壑見詩才祇記吟安閣秋時臥幾回

林塘終歲改聊遣暮年閒竟有千竿竹居然一帶山共
驚松老大也覺水彎環別院鄰家典何時始贖還

空閣臨池檻移樽納晚涼家僅能度曲小妓善飛觴孤
月忽然上新荷分外香無心成勝集爭怪老夫狂

已無兒女累翻怪老來窮家爲林泉廢心矜布置工出
門愁債主人笑癡翁自合離城邑攜琴住此中

過子存城南別業

別業臨溪上輕舟觸暑過涼軒因老樹曲水散新荷且
喜林花備無煩丘壑多此中饒布置看汝趣如何
出城多画意一路樹陰連小港藏歌妓平橋過酒船煙
炊深竹裏水踏綠桑邊早晚閒無事開門看種田
頗覺溪流淺菱盤積漸遮古藤三伏蔭雜樹四時花地
僻堪逃暑時清擬住家酒盃通可廢閒話是生涯
園林不厭遠宜署遠懷堂召客開高館藏嬌有曲房宦
情知欲卷野興訝偏長正是偷閒日千秋業肯荒

答閻酬龍門先生

鶴湖重到暗傷覓祇訪先生識故園山徑穿松新補石
柴關繞竹別開門時移豈合辭家難僧梵惟應報佛恩
聞道年來深避客獨蒙格外飯王孫

小構西軒一水環爲貪隔岸看東山松林手植皆千尺
池面新穿又幾灣頭白尚知龍性在耳聾益令道心閒
自憐塵事無時了那得從翁此閉關

不到園林三十年當時丘壑已茫然數擊揮水餘殘石
雜樹成陰弄晚煙池上未憮春草句樽前空憶博林賢
梅花小閣藏嬌處咏雪聽歌絕可憐昔與仲馭日雪於此聽女史張秀度

曲今其閣猶在也

草滿庭階葉滿闌弟兄相對古衣冠靈光劫後存非偶
碩果人間見亦難骨瘦漸知輕舉效眼方應得大還丹
看君道氣饒清福正好溪邊把釣竿

無題

蔣亭彥朱子殷王天市柯窩匏曹掌公彝士諸子招飲屬予首唱贈徐較青月仙

百褶湘裙映綺筵藕花香處影娟娟風微客乞鬆羅帶
日落人看過画船危上口脂和酒送席邊心事情角傳
白頭不作鴛鴦夢醉倚紅粧亦可憐

朋樽還似舊風流載妓聯吟憶昔遊醉把明燈揮白練
醒驚殘月在青樓筆花買笑偏能燉酒量逢歡不自留
慄煞徐娘年紀小前身曾共木蘭舟

席上贈趙素媛

媛自傷齒長見少年輒
引進因與老人周旋

爲喜幽居郭外賒湘裙羞鬪石榴花可憐善病腰全減
誰信多情鬢總華把酒風流輸小妓昵人心性是良家
知予久斷青樓夢約過閒窗自點茶

輓魏卜臣孝廉

去歲茲辰聚鄂城清江油幕故人情談諧每令愁顏改
規勸時教盛氣平郭外宴遊貪蟹賤燈前博塞怪雞鳴
如何我到君纔病幾日彌留送此生

庶常抱恨喪幽燕忠節箕裘幸汝傳早信孤臣應有後
誰知才子竟無年門庭久重元方譽鄉里羣推小謝賢

五十日來相繼死教人何處問蒼天

附李虎臣先生
臣死未兩月

塞菴相國忌日仲芳禮懺放下菴卽事感懷

城東精舍近舊是相公開竹暗林新護泉香脉遠來有
漏影堂僧酒壠佛院客徘徊三十年曾到那堪首重回
亂離骨肉盡腸斷向誰言我自遭家難公原報國恩千
秋傷仲子二妙見曾孫慷慨當時意應無恨九原

別館潛踪日虛名黨禍時撥愁邀小妓雪涕咏新詩舟
臨牀親讓宵寒酒共持平生知己誼一拜一銜悲
丈室安龕處當階散藕花像爭瞻福德衣已換袈裟君
國且如此身家豈足嗟仲容遺事記談到日西斜

寄恨亭大師

得法宗門廿載餘十年前接數行書才名世外終難晦
慧業生來豈盡除幸有逃禪吾道在不因作佛故人疎
卽今領衆爭推出誰讓孤峰頂上居

武林回憶舊游稀羨煞吾師早見機遷跡早聞爭賣藥
出家何意竟披衣也知道力君偏定自愧初心我漸違
苦趣暮年嘗欲遍此生未審得皈依

寄嚴顥亭給諫

記得開樽共唱酬紅筵碧酒夕陽樓名爭壇坫疑前世
分絕雲霄急舊遊朋好半爲方外客湖山遺憶坐中秋

狂奴意氣今都盡祇剩蕭蕭白滿頭

與子睽違三十年清華爭羨一門仙早聞金馬歸梧掖
又見青驥出木天謂長公方始最愛新詩從客借曾修短札
託僧傳衝炎挺買西冷棹底事揚州去未還

寄吳梅村宮詹

曾記陪京謁後塵驚看天上謫仙人清姿對雪遙相映
彩筆當筵捷有神已向南廂悲舊吏誰憐東閣有殘賓
當時末坐今頭白爭怪先生髮早新

秣陵煙樹已全空回首登臨似夢中祇謀詩篇銷晚歲
別填詞曲哭秋風同時被召情偏苦往事傷懷句每工

却憶清江楊伯起屢辭麻詔薦農東

垂水扁舟憶昔遊遙憐風物漢時秋山濤啓事真無故
庚信哀時豈自由音樂解來翻引恨聖書徵後迴添愁
淮王仙去遺雞犬佳句頻吟涕泗流

聞道林泉足嘯歌近來酬唱興如何江東詞客才華盛
嶺外逋臣忌諱多自把詩篇忘歲月欲趨壇坫阻風波
如今亂定人俱老咫尺文園肯不過

懷曹子領學士

武塘客到故人稀學士經年出未歸但有逢迎皆白首
惟看子弟舊烏衣雲霄悵望音書少詩酒追從意興微

欲過南溪橋已撤短牆松竹隱林扉

画舫春遊載妓頻野田長是醉花茵紅牙按拍詞旋就
翠袖催詩酒未巡小謝風流餘令子謂子仲文池館屬
他人馭謂仲同時觴咏今無幾那得經過不愴神

魏交讓邀同邵光伯沈止岳蔣亭彥孫巖儀令

叔子存弟州來暑集

彥會邀告集天炎趁早過素交辭拱揖珍饌已駢羅丈
室坐來闊回風醉後多看人恣飲啜偏憇老維摩

晨星存老友大半聚茲筵解帶挂牆上開樽在佛前深
憐羣從少所見一門賢已覺秋期近涼生薄暮天

自然忠孝齋庭戶見清貧學道寧辭席持齋合認真楸
枰銷日月藻句役心神却怪今都廢甘爲枯槁人

一 同爾斐過爾玉蔬圃巖燭置酒卽事感舊

每憶園亭好邀同小謝尋松聲前代韻梧葉暑天陰新
月已微露殘蟬尚苦吟庭階幽意滿處處昔人心

庭隅扉半啓攬勝訝無窮小院廻廊隔幽軒曲徑通雜
花皆等雨修竹迴舍風一片山林趣居然第宅中

不辭疏整費歲月此消磨家世林泉癖門庭兄弟和清
言酬客簡義氣接人多厥嗣還敦舊開樽候我過

梅里昔全盛今來已漸貧米常賙弟急園必逐年新門

戶勞酒子琴書付後人此中何所繫丘壑是精神

彷村三章呈子存

名園時命屐乍到客心猜何幸君新得還憐我再來石
頽因岸補池小引溪開便乞千竿竹沿牆一帶栽
向南牆拓出纔不礙游觀漫侈規模大先教眼界寬軒
楹應漸構林樹喜無殘我有扁舟興時來共把竿

爲園何必廣所喜近新居看僕朝除徑聽兒夜讀書來
無妨雨過坐不厭更餘俗事知難謝緘關可漸疎

七夕同子存過谿默爾斐置酒令子嚴燭詞容

張芸城女郎徐月仙在坐

扁舟逃暑至漫遣主人知妓慧留賓待

月仙借居別院
留坐以待主人

廚荒載酒遲風貪巖岫好坐逐樹陰移日落樽頻徙荷

香處處隨

卽恐巖城閉其如良夜何清歌詞客妙

芸城善
總曲

戲謔老

翁多月細迷鳥鵠星疎蹙翠蛾但存牛女意不用渡銀

河

子羹內人七夕五十初度索詩

吾家梅里子羹揮霍自喜恥問朱鹽獮人蔣氏富貴相期蓋從來僉國變以後家庭式微

人嗟秋杜孺人念庭階之不競陰求入夢之

蘭知血氣之將衰空如宜男之草誰閭搖素

重夫子矣無他心而門祚宜昌孺人實出本意遂許小星作伴果然明月投懷就濕推乾

母資忘非已出韋衣綾襟兒寧識是誰生堪
溢門庭功存宗祀幸當七夕初度五旬樓上
繡針無非縹命之幾橋邊綠錦盍作洗兒之
衣合笄雙星已羸百歲銀河之渡豈遂無意
於牽牛滄海之珠定知再胎於老蚌相聊之
行可農樸木之德難忘教殊碩人之詩兼申

王母

之祝

見說家聲盛昔年老來益識內君賢每逢客至營珍饌
時把奩搜佐博錢壹草親培鵠嫉妬蘭芽代育倍嬌憐
即今初度雙星夜百歲同心結宛然

苦孝起七夕納姬

謝家蘭玉舊盈庭且幸霜凋未盡零爲選宜男蕃子姓
更勞大婦訪娉婷黃姑河畔看新月烏鵲橋頭認小星

草際螽斯偏應候夜深吟誦已堪聽

閔孝起內人甚賢

贈沈延年

城東高士宅終歲掩庭扉梅里幾人在松江何處歸體從爲客健室苦有田飢語及先臣恨吞聲淚滿衣

溽暑頻過寺絲衣到卽寬神情工画靜風貌學仙寒故事勤相訪遺詩密與看知君餘意氣吾已老綸竿

潔園與仲芳閒坐偶成

每憶梅花墓連牆是潔園小橋分曲徑奇石踞當門山色重來古林陰別後繁餘年真樂事閉戶課諸孫亂去頻家難支持賴一身憂多容未老事定葬全貧木

榻研經瘦松窗作画人知君無嗜好於此寄精神

經時不出戶苔色滿廻廊性自生來靜身於老去強嬌兒將入塾稚女又扶牀先世同彭祖偏疑得秘方丘壑雖無幾所矜庭戶間祇愁新累衆可放老身閒時事難言隱家風未許慳南園期早贖應待長公還

哭仲馭墓

胥山南去墓門閑長伴雙親慰夜臺二十七年留我在一千餘里哭君來淒涼忍聽傷心句點滴曾沾醉酒盃自念平生無負汝許多情緒向誰哀

吾兄高節已千秋老友重來痛不休門鎖臨溪空第宅

徑荒負郭舊林丘遺書滿屋殘誰檢佳句隨身散未收
最是九原幽恨事空餘雙淚洒松楸

新秋登慈雲寺千佛閣

武塘彌望盡平疇高閣憑闌指顧收殘暑已應辭薄暮
驚風陡覺入新秋千家樹簇孤城靜百道溪穿滿邑流
最是下方憂旱切雨壇鈴盃晚來愁

酬蔣亭彥

薄誦蕭然三徑存客來踏榻漫呼門身經憂患名心淡
家自窮愁友誼敦念我龍鍾謀致菜隨時鮚菜亦閒樽
莫將少日詩頻誦往事淒涼不可論

長孺招飲卽席二首

秋浦清風一水過別離猶憶自前朝文章識汝飛騰早
意氣嗟予老大消局罷吹毫閒作画酒闌按曲自吹簫
阿翁絲竹初無興晚歲東山興頗饒

新安返棹早開樽高櫓全消溽暑煩人坡令行人肯醉
妖童曲奏席無喧錦囊徧攬黃山勝綠筆猶憐白首存
自分老年狂不得酒酣仍許發狂言

與沈止岳話舊有作

故人門靜畫長關與客追歡興不惶俗事謝來鄉里重
臣情倦後歲時閒應知博塞堪忘暑每聽歌詣諾輒破顏

年力未衰規避巧錦屏常怪夜深還

憶昔潛過寶月臺蒼梧纔得脫身來心驚虎穴離非遠
目斷羊城去未回予過端州值岳往省過嶺屢傳烽燧逼登陴
應役節牙才相逢拊手談遺事兩地艱危志總灰

初秋同子存訪西溪

柯給諫齊置是日得雨

採幽河路涸曳艇問西溪水涸舟行甚澗扉啓山僮候廊廻小
豎迷芳渠流曲折石磴步高低且喜炎初解林闌手可

攜

小橋隨意過忽已踰前岡石拒行來讓軒開覓去藏偃
松千歲短修竹萬竿涼坐覺商飄起林陰滿院香

匠心原擬画寓目總堪詩是樹皆凌壑無窗不面池曲
房聽雪夜虛閣對花時遙憶梧垣客聞宵有夢思
久識園林好今因老友過秋聲兼雜樹雨點碎新荷熟
曲無妨小峰奇轉覺多知君歸興切不奈主恩何

子存坐上以詩代書寄程周量職方

袁公舊識無雙士對客常稱曠世才周量爲特丘首拔士每向予極稱其才

自變姓名離粵嶺早聞聲價冠燕臺詞壇嶺外先賢

盛風氣朝端數子開尚有遺民頭白盡可能同把論文

杯

海天風物已非初芒屨生還廿載餘南國嘯歌遁似夢

西樵巖穴有誰居同鄉姻姪稱姚合

謂六康

四海交親見

魏舒

謂子

爭怪老狂不相識短篇聊代數行書

寄曹秋岳司農問素臣後事

當湖志士君宗彥

謂素臣

久客天南事已非亂日去留家

是累別來生死願都違十年消息憑誰問萬里妻孥仗

汝歸

素臣死嶺外同公葬其家還里

自識門庭零落甚遺孤此外更何

依

寄蔣虎臣學士

聞君昔向越州遊把我詩篇咏不休

同邑姚經三云與公在越東索觀予

請詮加賞款

宦興但聽清楚冷奚囊偏是苦吟收木天宴坐

師黃面楚澤在歌憶白頭衰朽也曾窺半偈前身彷彿
是同流

飲子輔託園卽事

入秋猶酷熱邀趁早涼天載酒筐攜樂扶篳妓上船草
間奇石臥竹裏小橋穿卽此蕭疎趣溪山轉自然
巖巒不恃石磊落見真山每到匠心處翻同無意間小
軒因地構曲檻與池環頗怪經時鎖看君正好閒
四面通臨港編籬不作牆梧疎陰自密庭謝葉偏香虛
閣憑陵遠閒房委曲藏未須窮結構吾正取荒涼

日落蟬聲急高齋風已秋苦吟悲鶴髮時曲試鴉頭背

燭調歌管分曹散博籌夜深歸路黑先遣郭門留

畱別州來

客久難爲別於君倍愴神弟兄頻死喪子姪盡孤貧衰
疾嗟婦母賢勞仗一身莫言吾有叔自擬作閒人

州官
况

弟後事皆仗
阿叔子存

贈王天市併念今兄肇域

孝廉閉戶罕逢迎言自先朝識姓名爲敘世交懷舊侶
每談往事憶難兄巨杯雅量蘊無敵鄙句長吟記得清
怪我暮年狂不減酒闌歌罷轉傷情

酬陳心徵見贈原韻

半生漂泊髮成絲客路逢迎獨有詩陳氏道風前代著
心微爲幾亭先生孫謝家才藻後來奇廣陵煙月年年艷建業樓
臺處處悲絲筆即今題咏遍教人重憶壯遊時

將發曹次典忽至

江城雨過客將回忽訂扁舟觸暑來鄂渚樓臺經歲別
魏塘園館入秋開名心未歇精神富耳病初痊笑語猜
努力文場判皓首詩囊無復有新裁

毛釋賓沈延年周上衡肅閣招飲爲晚湘乞詩
同人召客有蛾眉聲價還言待客詩心醉霞觴傳玉腕
竟消斗帳是冰肌領巾乞句先要謝園扇書情豈用知

見說趙家諸姊妹溫柔鄉定讓昭儀

倡樓昔遍武塘城一被標題早擅名小曲未調歌板按
新詩纔出舞筵傾誰憐騷客空存興轉覺仙班實有情
諸子皆學仙上界逍遙渾不礙儘教調戲許飛瓊

次日李赤茂招同姜西銘沈延年周上衡蕭陶
再集晚仙復在

昨醉仙廸未解醒登筵又早見變成樽前勸客情初熟
衆裏逢歡面轉生晚湘與生客有舊詩句和多知暗喜酒益病
起免教盈桃花結子源如故晚湘善生子難道劉郎記不清

全客又有別遇寧之

智證菴子存修供頤雲大師茶話有作

精舍臨溪白舫通魏公修供晦山翁花闌早灌先秋露

白露前竹院爭承滿坐風酷熱是日大風因果誘人閒說鬼詩

篇入聖不談空多生慧業如何斷綺語從今且勿工

兩峰最好是清秋準擬相尋得再遊跡已出山飛錫杖
我猶臥病滯扁舟道尊靈隱三千衆坐斷雲居四百州
黃鶴樓中詩剗滅傳來猜著老堂頭

遙哭松江徐復菴

三吳遺老見全稀擬過松江願又違絕島暗聞徐福返
渡遼虛盼管寧歸艱難今弟窮途死惆悵孤兒舊業非

我有拊棺無限淚舍來宿草墓前揮

別慈雲僧舍

我來方仲夏忽已入秋初不寐三更裏孤吟兩月餘庭
空貪老樹屏啓映清渠到日憐多病高樓任獨居
送客疲來往尋常懶下樓晝長粥鼓早暑盛佛燈幽得
雨覓歸思驚秋動旅愁老僧情戀戀臨去更扳留
平生耽筆墨況是寓荒林眼益青燈量頭恐白雪侵笛
聲調佛曲梵唱感人心久住真難去餘年倘再尋

臨發家介子至自燕臺

經時歡聚爾偏慘臨去欣聞冒暑還一路旱蝗連楚塞

兼程鞍馬出燕關書生姓字爭驚坐京國風塵宛在顏
細說北來行役苦教人無興問西山

酬陳雲銘見贈併憶尊先君子更

阿翁壇坫早知名每憶高談一坐傾濁世豈容清白吏
貧家無忝孝廉聲門庭守舊嗟孤挺笑語親人覺老成
贈我一篇多感遇哀吟誰動故交情

訪顧穀臣

魏塘高士老支離見說人奇病亦奇車轍到來多長者
郵筒展出盡新詩交游四海文章伯教授通鄉子弟師
一榻欲穿知坐久端居還許客披帷

留別魏孝儀志勉

武水樓遲兩月餘細看君屐習全除承歡豈必工于祿
繼志惟應苦讀書家政維新初尚儉交情是舊肯教疎
尊公好士門庭廣且喜由君閉戶居

田間詩集卷第十七

田間詩集卷第十八

客隱集

壬子

將發坐北山樓對雨

是年再往武昌

北風舟不發小坐雨中樓老樹浮新綠懸崖走宿流琴移高壁挂書近紙窗收暫想翻同客去留可自由
附舟東下
小閣迎山啓疎櫺對雨開遙峰一片石似爲此中堆古屋危巖下荒亭雜樹隈無窮丘壑趣待我客遊回

晚泊江口

見舟纔得便已是暮春天汗漫悲哀老經營羨少年江帆看上水米價問來船客伴多攜酒相邀不使錢

大通遇風

一夜波濤撼朝來欲漸平正思安枕臥早聽逐幫行載
重舟應穩檣欹客始驚榜人收港急回首特輕生

守風

已是春將暮淹留尚在茲登程嗔算早冒險願寧遲載
減行人喜吟成小贊知守風吾自慣所慮失前期

望板子磯

故壘濤聲壯凌江石勢橫奸臣初葬此爲拒上流兵誤
國潛逃竄謀身苦戰爭往來人指點遺臭汗殘名

錦衣洲

雨懸菜花盡餘香滿路熏田疇千頃接疆界一溝分客
指橫江浪僅挑淺渚芹最憐京國改猶說錦衣軍

蕪湖換舟別同行客

北風不肯息十日滯江干舟附容同坐牀寬讓獨安攜
來餅總罄分得米加餐一棹下京口無嗟行路難

望燕子磯有懷蒲菴禪師

已覺鍾山過遙瞻燕子磯拒波亭欲撼蹴浪石疑飛雜
樹隱深寺高僧此息機幾年期一宿偏與客心違

望閭門雨不得泊有懷姜如農給諫

扁舟急櫓過閭門小巷深居望裏存開口衆中無可諳

緘關閻處不聞喧
書窗近夜應收卷
客坐何人共把樽
誰識晚來江上伴

孤篷獨對雨昏昏
到嘉興曹秋岳云毛燕山在郡走晤并晤真州

卞生

南還何處訪交親
乍接曹攄說故人
鬢髮看予疑僧長
燕山長
予一歲橐裝怪爾與同貧榜江共事銷磨盡庾嶺潛歸
死喪頻忽見真州門下客傷心兒女痛如新
予在身與
真州王氏
結姻下其表也變後相失王氏舉家病歿十兒歸近遇盜死

曹顧菴招飲魏青城蔣亭彥朱子殷王天市錢

巖燭同集

西園才子金闈彥海內詞流舊壇坫故人一別三十年

鬢髮如雪重相見今日邀同老友過開軒秉燭成高宴

古昔延緣上階除新荷吹香滿庭院老友贏得兩三人

相看容髻已全變信陵近婦興久無謂青 蔣幹酒徒名

空擅謂亭 彥 憶昔同人盛燕遊妖童艷妓爭嬌盼坐密花

前肆舞筵絃成燭下開歌扇舉觴誰是李侯狂搖筆必

數江郎倩別去幾時成老蒼回思往事煩繾綿文場酒

且讓後生却怪朱家弱不倦謂子 坐中王子與錢郎昔

誼今交吾皆善看君蟲飲敵兩雄我曹衰晚生顏面才

華無復翠袖拂鋪散猶敎少年羨我於身世憂病纏君

在宦途艱難偏卽今聚首似夢中幾番欲起情還戀此
生尚會復幾回飲罷還舟淚頻灑

谿默聞鶯同仲芳爾斐子存交譏作

玉霍軒開萬綠盈綠陰深處坐啼鶯溪邊雨過依然默
愁外風來忽有聲小豎學歌聽欲澀衰翁倦寢夢還驚
秋宵記得臨池酌脆管嬌喉一樣清去秋池上琴女
郎詞客絃曲

同子存過吳子翼溪上居

魏家別業倚溪邊借與吳郎野趣偏子翼爲子
存妹夫城角樹
遙微見塔門前港斷尚通船鶯花正好催遊屐蠶豆初
肥佐客筵貧儉料無妨暮夜莫因疎豁更思遷吳有別
遷之意

同子存交讓過沈氏北山草堂

魏塘西去假山頭

其地以沈氏假山得名

老屋臨溪直繫舟人掩

鹿門扉不啓客尋羊跡巷偏幽百年洞壑傳家古一郡

衣冠載酒遊近日名聞疎野勝到來猶見舊林丘

迴塘繞檻碧垂垂遙指平橋過短篠萬壑蕭條三夏草

兩朝耆舊九株松園丁肯借池亭坐俗客愁從洞口逢

節賈人載猶喜軒楹荒不盡古牆多是薜蘿封

涉園午日卽景

林塘雨細午餘晴桐葉榆陰滿院清酒後柳蒲簷早散
門前賓客藝都精管絃按譜儻能合丘壑當軒閣已成

却訝今年衰老甚逢時減盡舊心情

龐文茲五十索詩

嚴吳江人多子善談星

疎林遙帶鹿門屏家在吳江近不歸半世青瑣淹驥足
一牀黃口困牛衣信心護法諸方恃知命談星妄想稀
我欲勸君重學易莫言往日未全非

嚴白齊詩時
翻知非公案

曉過南莊便訪倩雲

小港疎籬官路傍輕舟雙槳趁朝涼梅陰覆屋香侵禊
竹色迎嘶綠滿牀老嫗喜留開閣坐兒家爭去隔溪藏
時驅妓之爲憐好客邀相見纔繫羅裙未曉粧
今其歲

醉後贈倩雲

無端活潑人

時青樓爲

門掩高楊獨倚闌

嬌生

嬌頓

長寶髻綰雲粧閑矮香塵拂地画裙寬袖拋紅豆偷誰打齒搘青梅不怕酸最苦夜深翁背癢欲煩姑爪一搔

短爪充
難嘲之

靈塔寺示我靜上人

靈塔寺邊來往頻每憐奇石臥溪濱回舟駐楫尋遺蹟

爲吳仲圭

兄固攻北入院開關見道人髮喜同年依例白

上人亦以壬子

生花於鄰圃逐時薪尋予看都舍雜花小椅幽室安心處那得

從君結淨因

夏夜雨後月色甚佳同子存交讓池上

桐花香滿院月出一庭幽洗却林中暑賒來石上秋水光穿檻動樹影入廊浮坐久忘歸去塵勞此暫休

諸君旣別月益皎然張濟甫傾釀小酌細談曲

理

良夜應難寐人歸月倍明老翁興不淺殘楂客同傾絃曲分宮細源流入譜清濟甫著有絃曲源流向來翻樂府空費審音情

馮研祥見贈箋書

蕭散江湖七十餘秋謀歸隱尚無廬家藏萬卷多寥散膝有諸兒盡別居欵識辨知秦漢物臨摹看遍晉唐書

先朝法紙新裁扇爲寫河南帖贈予

遊雲間夜渡泖宿長水塔同子存亭彥作

奇雲向夕起出港意徜徉孤塔餘毫末扁舟入混茫境
底遞月早波動引星長極目知何際凭軒酒一觴

小艇當階繫閑樽風滿樓水光三泖接燈影一欄浮牛

女情先渡七夕前魚龍氣早秋所思遙不見煙樹隔中

流遲日歸不至

贈張洮侯

廬巷經秋草弗除往來爭識子雲居婦賢慣出牀頭酒
客到頻移榻上書但是把盃先自醉長因罵坐與人疎

問年我亦同王子蕭散風流漸不如

訪家子壁

往事心傷不可論先朝壇坫後人存湖山劫後重尋址
軍馬城中獨閉門生計祇開新藥室家聲同說舊王孫
雲龍意氣當時合白首相看兩弟昆

長歌贈董蒼水

昔我落鬼遊雲間雲間鉅公爭往還考功時事論侃侃
孝廉山文學胸班班謂琰公其餘詩篇辭妙麗黃門獨步
無人攀可憐國破三君死文采風流長已矣著書多諱
世罕傳後起才名誰得似三十年來兒董生笑談慷慨

心爲傾逸思恍惚風雨集真氣淋漓鬼神驚已覺酒水
李明現頓使機山宿霧清吾家舍人亦作者謂存舍思

吐韻追風雅縱筆不患才華多選言未覺篇什寡甫與
白也越各殊苦心逸氣爭相下董生失志家日貧年年
出作江湖人百粵瘴深題咏過三湘煙關棹歌頻如此
窮愁寧足惜天留我輩爲詞伯陳言綺習鑾歸除雲間
煙堵重闢闢

家葆舒以金門稿見示覽畢有作

吾家武肅後子姓東南蕃才華世不乏家聲自昔尊舍
人起重閣昂驤金馬門惟昔先司寇名德久弗報君生

秉夙慧再來承佛恩採懷得智珠下筆傾詞源既窮作
者奧直破前叢籬雲間昔才藪壇坫中原選音絕鄙
細摘蘿何幽翻豈貴質偏勝抑恐文過繁近得舍人出
毅然去陳言其情非不至其詞迺極溫方碧玉則和比
質金以渾庶幾風人遺猶見雅道存同時有董生謂芥水

逸氣浩若奔往往任天趣落落欲孤雋君詩必頓挫當
放時忽吞澄也一老狂嘯歌江上村作詩聲苦悲語出
雜啼痕自知多忌諱聊以撻頰覓深荷舍人誼行葦藺
然敷亦有舊詞伯謂子望同是前王孫哀我爲窮士視我
爲諸昆雖非連理枝共此瓊樹根我如涸轍鲋君如天

池鯉雲泥各有分安得相攀援所欣臭味合獲把論文
樽我才枯落盡志探音韻元大旨窺羲蓋微言寄漆園
何時乘篇章與君共討論

倩扶以今年春月過武水既去予始來秋後再
至連飲數日醉後走筆贈之

花時不晤漫踟躕又值蘭舟向鶴湖
墮頭來往往看羅敷酒闌趁月憇尤倩病後臨風怯待扶
莫笑相如頭已白琴心老去未全無

雙蛾寫就遠山分玉腕添香卷幔焚奩側點毫題画扇
花間登閣濕紅霞追歡我自尋風月適興誰來夢雨雲

羨煞麻姑織爪好

指爪

最長夜深肯廢肯勞君

念佛珠齊綃背斜搗彈偏要隔窗紗藍橋路側迷仙窟

姬佳音海鷗賦
到雲間覓不得白舫煙中是妾家角枕暗聞芳杜氣膾

餅新換海棠花自憐曼倩詠諧老猶戲班頭萼綠華

予存病瘧久不到園詩以問之

咫尺園林久未來楸枰竹榻暗生苔耽吟恐攬三更夢已瘧應須七發才幾日欄邊梧子大今晨閣外蘋花開知君病起塵勞息肯負新秋酒一杯

和予存以飲光右腕作楚二絕見慰之作

曾經磨盾據鞍來老去筋攀展不閒莫是腕中真有鬼

揮毫把盃亦相猜

半生挾策天涯走周易南華長在乎莫笑談經揮麈難
猶堪把臂入林否

寄汪徵五漢上僑寓

憶昨寒江欲解維扁舟日落叩門遲鎖龕正值霜天暮
惜別偏傷老大時郭外樓臺秋置酒亭前賓客盡圍茶
華思已是三年事久負晴川唱和詩

與史趾祥別二十八年矣臨發武水趾祥忽至
悲喜之餘遽爾分手短述言懷

揮手三衢廿載餘白門纔附數行書如何旅舍驚逢日

又值遊踪欲去初述汝辭功應有得疑予豪氣未全除
同時兄弟今誰在已似晨星可更疎

吳門贈姜如須令嗣奉世有感

在昔同流寓姜家兄弟賢交深鈞黨日客散過江年梅
福名難變平鴻噫不傳淒涼逢令子話舊淚潛然

山東才輩起視汝定何如遠害詩篇少迷名故舊疎楚
狂空有泣越絕竟無書不是難兄語鄉野席上遺孤豈
相言往事

識予

吳門遇魏凝叔

古人不可見交道日以衰我生踰六十幾人真相知竊

聞易堂風高義我所師子栖冠石巔我居縱江濱相去
三千里不見遙相思中有一曾子亂日常追隨躬倦未
識面曾一叩茅茨確齋與和公扁舟江口雜訪我不得
遇留詩情見詞從此十條年跡若東西馳但接青原訊
筆索山間詩我詩不足好所好其聲悲閒門訪子寓覩
函還猜疑上階道名姓再拜涕交懶恩君三十年此見
一何遲我老遭多難顚頷如絲君年纔五十猶見盛
壯姿雖無膝下物同氣足自怡大兄客幕府小弟歷邊
陲諸侯爭召致去就爲安危況復書等身共言悉已垂
大雅久不作斯文當在茲吳人好嘗詞今者交口推乞

言屢滿戶願子無濫施常恐多假借翻爲忌者譏我行
將北去恩救合門飢平生諸制作欲行今非時易學吾
親授吾老微有窺書成亦不出序者非子誰勸子還山
中明秋早見貽

八月十八日同周翁仲榮登君山回至永定壩
觀潮和韻

扶筇爲有觀潮約絕巘偏驚二老來平地湧將銀作屋
晴空噴山雪成堆那知錢怒尤爭鬧怪得遊人不上臺
足力小疲聊茗飲隔窗已報轉頭間

寓王而出溪上居

縣門南去小橋頭。隘巷斜通木竹幽。塔火長看高下點。
江潮不住往來流。丹楓色照孤城晚。白豆花稀滿架秋。
最是主人能好客。時邀擘蟹試新鴆。

懷

君山歌爲龔雲石明府初度時將北去詩以言

延陵九月秋光濃。三十三采青芙蓉。君山獨起當北障。
此山應數第一峰。君山之陰江流急。其陽穰穰萬家邑。
民安兵戢吏彈琴。雞犬羊駝自由入。朝來佳氣滿城闈。
爭祝令君初度辰。把菊蘭過重九節。重九後五日登堂早近
小陽春。立冬前三日祝君誰是君。老友老友相看皆白首。幸

舍曾經累月留臨鷁那更先分手舉觴直至君山頭山
外遙將季子麟春申珠履久寂莫惟君縞紵情千秋

重九日過趙翔九家晚登永定禪院樓

城北蕭條處士家衡門臨市垣牆遮遠籬碎菊多無種
上架秋藤細作花出郭尋山常費酒爲僧邀客自陪茶
憑樓聊應登高節坐看潮來待日斜

同山右史非常毘陵毛司伯登君山懷朗伯靖

江

官閣憑陵興不孤雙眸凝處轉模糊波心森森帆欹側
煙際茫茫塔有無歷徧雲山寧似晉望窮沙嶼總爲吳

黃郎只在孤城裏絕頂乘風或可呼

小酌歸江暮色催客懷且得暫時開交遊祇覺南中廣
蒙氣終從北地來黑樹影邊城郭在白頭浪裏渡船回
漫言老去登臨倦此是追攀第二回

與江陰諸子言別再集君山采玉汝要予首倡

秋盡君山兩度遊臨行又上最高頭一天雲氣含風怒
萬里江聲越夕流牛犢自耕沙面地漁檣閒駐浪中舟
酒餘客起聯吟興莫作驪歌動旅愁

京口舟次寄劉巨向

秋盡東遊客未回思君獨上射蛟臺尋僧閣嶺聽經去

挈伴誰家看菊來童稚好於閒處教小兒望時歸帆多
在望中猜計時花甲過期久悵望江天一把盃

揚州

水落邗溝夜泊船一般風物客淒然
關門仍舊千檣塞市井重新百貨填
商賈不離爭利地兒童誰識破城年
當時百萬人同盡博得孤忠史相傳

竹西歌吹舊繁華
惆悵關前問狹邪
一自風塵齊上馬
至今煙月亂啼鴉
長亭祇折新栽柳
官閣難尋舊看花
夜聽隔牆絃管急
聲聲哀怨雜邊笳

訪汪辰初不遇

萬里天南客。生還望已休。
阿威遙夏口。說汝到揚州。
漢口
遇注散玉苦。自言難盡悲。
無淚可流如何停棹訪又作
知君返

楚江游

縷隸無人在。叩門識我誰。
一心依故舊。盡室出艱危。
見汝佳兒喜。增予愛子悲。
向來同事誼。應有細君知。

北行途中雜紀口號

見說清河過。長途有定程。
四更呼火起。十里聽雞鳴。
樹合湖光夾路明。所經多廢址。
還指舊時名。
下店無人色。方冬行路難。
望南風亦暖。向北午先寒。
馬

輕連騎臥輿儀共坐餐。最愁塵蔽日。前去正漫漫。

關街遮客住。叱馭尚爭前。立馬論常例。停燈數塊錢。
忍飢衝暮去。果腹見星天。盡是戕生注。那堪更暮年。

入冬天氣短。又是日斜時。水淺車行熟。沙深馬去遲。
人情未亦得。客計老方知。同路常忘荅。多因暗咏詩。

信是今年稔。誅茅滿道旁。路平車碾破。冰滑蹇隄防。
買飯欺南客。留人說上房。望中陽氣混。錯認是湖光。
遠望如大

水過合圍人
謂是陽氣

客夥隨幫走。驥行讓馬前。繩膺橫路掣。箭數近人懸。
嚙嚙難呼伴。指僵自隊牽。軍裝皆可畏。誰去辨愚賢。

日出月無色。風嚴冰不開。逢人驚項領。
秦安人頃多瘦笑客浣。

塵埃路砌輪蹄苦峯青山嶽來園兒偏解事遙辨是徂
徠

望嶽崔驥過遙憐老眼昏懸崖通客路絕頂見天門千
嶂側看現數峰回首尊平生登覽興行旅向誰論過泰山
欲停一日游
贊同行不可

已覺出門晏荒蕪正點更麥田思雪壓方望雨雪
晴人面判霜割馬頭看月明殘星猶在眼早見德州城
掌燈催客起參井正當頭外結鬢妨斷風酸涕不收危
樓爭列雉小院亦深溝塔級層層見遙知是景州

一路人煙密生涯是果園乍驚泥蓋屋漸有樹成村賣

餅三市懸鐘五里墩驛車衝突過應已近都門

道上口占贈同行清漳李生

行旅蕭條客路悲孤心相仗互追隨霜嚴雞喚登程早
日落驢疲下店遲撲面塵迷貪話舊低頭山過爲吟詩
看君萬里輕來往辛苦難堪老大時

又和李生韻一首

聞海生還臥故林半生憔悴到如今雲山不斷南遊夢
霜雪難明北去心一路車塵誰是伴經旬驥行獮成吟
同遊賴有漳南客贈我詩篇感慨深

初至都門口號

汗漫來燕市，何門刺可投。
要能容放蕩，還是舊交遊。
側身爭巷口，轉面避風頭。
不用騎驅出，徒行得自由。

寓增壽寺

一路風塵滿髮華，解鞍投宿老僧家。
房留官坐監施飯店，與人開帶賣茶。
庭樹午餘時，繫馬鐘樓日落亂栖鴉。
五更不睡驛車過，鐸響輪聲枕畔譁。

酬嚴顥亭回卿

疾風吹塵沙，白晝晦庭院。
故人在高車，乍接平生面。
執手憇艱難，再拜申綰緼。
一別三十年，疑是夢中見。喜我
神猶王，怪我髮全變。
我生患難娶，欲語淚先濺。
如何青

雲客不棄泥塗賤庭樹莽蕭蕭頓覺和風扇問我所著
書新詩復幾卷採編得周易閒覽大稱善子夜集嘉賓
炳燭成高宴指我杵臼交誇向坐客徧述我詩句豪還
及當壚倩風流宛似昨歲月逝如電可憐同遊子盡是
東南彥天地一翻覆回首舊壇坫死者長已矣生者與
鄉縣往事話淒涼夜深語不倦嗟我萬死餘生意纔如
綫區區未死心寄託在筆硯古道久不作故交復誰戀
君今在高位吹噓勢以便倘令製作垂豈必溝壑援所
貴經學傳肯但詩名擅

贈陳肩脩

人生相知心不在會面久古人稱故交卽在傾蓋後況
我與子誼深忝令兄友令兄早攜揚忿起同舍疎失意
一言起鬱然被衆口避跡入雲間是非向誰剖毅哉陸
太學謂子玄抗言義不苟送之遊帝京旋綰開封綏南渡
擢御史上書請迎后九重殊內慚自知非匹偶遂遣緹
騎收御史加鎖紐檻車過吳門太學雜舟守我方罹黨
禍變姓草間走招手語蓬窗雪涕迸襟數那知國家壞
賢者厄陽九終荔江東節不死奸臣手舍人早潔身謂
庭千秋詞不朽不知地下遙相視一笑否可憐陸太學
垂老自歸咎造放無歸期南望空搔首嗚呼三十年天

地一塵花生王理以齊恩怨復何有是時子年少名已出兄右方生謂萬上前入都定交在杵臼相和易水歌共

飲燕市酒豈知昔時人未死猶有某今我策蹇來所挾

但敝帝子客同卿衙僧舍門同叩開門下車揖相見皆

白叟吾子誼極真同卿情亦厚縱我舊狂亦不自知老

隴忽憶捐軀人默然發深忸我學在圖書授人人不受
篇幅一尺盈心血十年嘔倘能使流傳吾生庶無負

訪龔芝麓宗伯

百年禮樂存宗伯四海交游在合肥俸祿可憐隨客盡
詩篇多是對人揮物情輒轉寧能謝主眷頻繁不放歸

自昔老狂蹤跡遠於今始得一樞衣

十月風嚴客路賒
疲蹻破帽走京華
行囊頗重無非案
老筆將枯或有花頭白
未能忘嘯咏身危不敢戀煙霞
詞林壇坫君今主宗匠推誰第一家

文采風流世所師
精神也爲應酬疲朝回不斷尊前客
病起還添枕上詩
妙句豈緣思索得
高朋真與性情宜
可知心事牢騷甚
寄與德懷總在茲

春遊高會雨花臺
坐客全收江左才
偶值野人閒賦杖
特虛片席與翁陪
門庭廣大原無外
生性疏狂每自猜
老去盍聞交道古
醉神叢裏爲君來

贈姚龍懷少司寇

物望重秋卿經時憲府名紀綱惟鎮靜諫議早持平夢裏朝廷事閒中故舊情萬方益覆久何計照蒼生行年踰五十鬚髮已全新科目推前輩班行式老臣得君心益慎任事久偏真點筆精詳處生全多少人奉職平生恪明刑此日難諭詞無一實弼教豈全寬盜諱幾時息民冤何處歎賴君清徹底先使故鄉安

論年慚老友接武見佳兒世德常存厚家傳不好奇異書從小讀新句少人窺念我瓢蓬老狂歌正可悲

訪王敬哉宗伯

懶性平生畏或裾故人惟見老尚書追隨祇憶風波裏
涕淚重思患難初分隔雲泥勞商挂交存杵臼怪音疎
漫驚鬢髮今都變酒興詩懷總不如

天門咫尺乞身歸米市南頭訪舊屏客到大都仍皂帽
人傳小巷是烏衣詩篇閉戶堪娛老相業那家且息機
坐看司空調鼎鼐手成元化慰庭闈

亂離烽火遍三吳聚首江天興未孤我竟舉家沉震澤
君還結伴出汾湖路分南北情難寄跡判行藏道不殊
一別到今三十載相逢依舊老狂奴

每憶江村繫棹時生還有路勸相隨蓬窗挽袂情何切

津市逢兵悔已遲促膝遍詢同難客
開箱急檢寄懷詩心傷往事難爲說此意旁人那得知

酬紀伯紫見過

平生蹤跡白門久白門名士皆好友吾兄落落罕深言著作常推第一手昔時住近周處臺門掩三徑長不開祝君初度叩門出至今負我春酒盃如此才情竟蕭索老去祇爲諸侯客終年筆札遠依人頭白纓達大宗伯宗伯詞壇第一人與君筆墨交有神丈夫得爲知已用何必寵譽出其身我老策蹇到都下都下故人知者寡相逢執手爲躊躇傷予多難淚盈把旅舍蕭條頓有春

也知不語意氣真看君落穆情如此愧煞輸心慷慨人

宿家亦友塾齋偶成

齒序肩隨四十年餘年重聚客途邊風霜荏苒千莖雪
燈火淒涼萬里趨飯熟行厨常共啜酒闌大被亦同眠
漫嗟老去皆貧賤回首垂髫盡可憐六初與亦友方壘
荷交於吳子遠齋

過張夢敦太史寓齋有作

吾鄉張太史端不愧詞林功課朝回補詩篇客去吟好
書抄出讀愛帖借來臨暇日思研易相期共討尋
入門寒色滿稍喜一窗明心法圖中悟文章馬上成正
襟貌性學隔慢聽書聲自課佳兒讀常聞到五更

應酬徒步苦來往叩門頻瘦馬騎能穩傖童見卽親論
心惟矢愼礪俗獨安貧物色矜雙眼塵中早識人

與房興公庫部初不相識遇白仲調坐間一見

傾倒言手抄拙集日置案頭因抵掌劇談頗

爲白君所訝

平生友誼數關中揖罷相看臭味同好把酒盃談漢事
每吟詩律喜秦風篇章繆辱編蒲寫姓氏何勞刺字通
坐客自矜朝士貴論文且讓野人雄

贈白仲調

鍾山昔日大社開方生同我騎馬來

謂宿之
里廬閣下文

思苦袒衣揭鼓轟如雷須臾諸子篇章出就中數君兄弟才甲申以來國事變誰人復問舊壇坫南渡奸臣黨禍興一時名士株求徧周雷竟死可如何君亦相從陷網羅二白因省師周仲馭獄中遲知之矣不得出我變姓名逃吳市可憐盡室沉江波脫身遠作天隅客鄉國十年烽火隔鍾山老支半逃名文壇虎視稱二白二白遭逢意氣新仲子滿腹皆精神當時閨下才相許果作南宮第二人怪君年老博高第一官守選還需次只今羈旅滯都門天寒歲晚無歸計語君勿復歎窮愁亦勿爲予嗟白頭回首背年同難客幾人猶在世間遊

酬徐白峰贈画

徐生書画古，人儕吳。下今推第一，流蕭寺。屐殘燕市凍。
江城門鏽魏塘秋。舊秋在武水，追訪君不遇。風塵不變煙霞色，冰雪
惟增筆硯愁。一幅單條勞寫贈，持歸長挂北山樓。

贈余佺廬大行

楚國人倫望，燕臺好士聲。眉間瞻爽氣，言外見深情。
道以論文合，交於握手成。老年逢快友，真足慰平生。

相知何必舊傾蓋，似君稀祇是聰明。大都忘狂瞽，非往
還惟任意。應接渾無機，有仲思談易期予。數叩扉。

風沙燕市滿，下慢小窗幽。鄰架閒思借，郇廚每自留。

門由客到叱馭爲人謀遙憶魏無忌荆南何處舟_引
子_序善

數過余鴻期斗室有作

帝城客到苦奔競者爾閒如寄院僧車馬喧中長抱膝
笙歌沸處猶挑燈爲貌煮茗爐存火晵輒抄書硯有冰
我欲縱談無聽者短韁踏凍興時乘_詩

酬陳是菴院判

雄才散地願多達長巷深居非掩扉院裏事稀時一到
衆中全盡尚思揮入門客慣呼牀坐返寺途遇借馬歸
祿米舉家爭待哺又分遊子慰朝飢

王廣南集

卷之二

三

雪中謝陳中美贈炭

一夜燕山白僧窗不敢開正愁年下炭剛喜雪中來
樽
煖來餘灑爐然死後灰知君趨幕急爲此故遲回
便好閉門坐無嗟天不晴耐寒遊子事煖老故人情夜
相眠初熟朝炊飯早成客中還念客高誰見平生

日者楊公采索句送何崑復之建寧別駕

建寧地據閩中勝別駕才騰輦下辭官職未妨恭酒興
溪山真慰嘯歌情民困吏虐常逋賦田被蕩收久廢耕
此去釐清功不小前程無俟問君平

飲佺廬寓以夜禁促回不俟曲終途中悵然

一曲清歌判犯夜應門向事苦相催出街依舊多燈火
空使狂奴寂寞回

嚴方貽侍御見招卽席

禹抗清白舊家聲臺諫爭傳父子名殿上抗顏諸大老
樽前執禮老狂生冰霜夜肅官街靜感月聞談憲府清
時事望君陳讌議許多聞見恨難平

壇坫當年無我輩雲霄老友見尊公傳家世羨池爲鳳
避道人稱馬是驄更弊定須持斧出民冤那得叩閭通
卽今盜賊紛紛誰可許風箇達上聰

同伯紫亦友坐宗伯榻前見梅率成

侵寒力疾上衙回小閣蕭然道士陪導引有功權謝藥
交親閒話罷銜盃已聞環珮聲初遠莫遣詩篇興早催
笑指梅花偏耐冷看他冷後向春開

田間詩集卷第十八